



Халқ сўзи

Ўзбекистон –
келажаги
буюк
давлат

1991 йил 1 январдан чиқа бошлаган



WWW.XS.UZ



E-mail: Info@xs.uz



2018 йил 26 октябрь, № 222 (7180)

Жума

Сайтимизга ўтиш учун QR-кодни телефонингиз орқали сканер қилинг.



Ўзбекистон Республикаси Президентининг Қ А Р О Р И

ХОРИЖДА ИСТИҚОМАТ ҚИЛАЁТГАН ВАТАНДОШЛАР БИЛАН ҲАМКОРЛИК СОҲАСИДА ЎЗБЕКИСТОН РЕСПУБЛИКАСИ ДАВЛАТ СИЁСАТИНИ ЯНАДА ТАКОМИЛЛАШТИРИШ ЧОРА-ТАДБИРЛАРИ ТЎҒРИСИДА

Сўнгги йилларда хорижда истиқомат қилаётган ватандошлар (кейинги ўринларда ватандошлар деб юритилади) билан доимий мулоқот ва ҳамкорликни ривожлантириш, уларнинг мамлакатимизда олиб борилаётган ислохотлардаги иштирокини рағбатлантириш, шунингдек, ҳуқуқ ва манфаатларини тўлақонли ва ҳар томонлама ҳимоя қилишга кўмак бериш борасида муҳим ишлар амалга оширилди.

Айни пайтда кўплаб ватандошларимиз иқтисодий, ижтимоий соҳа, илм-фан, маданият, спорт ва бошқа йўналишларни ривожлантиришга, ўзларининг тарихий Ватани — Ўзбекистоннинг обрўсини ошириш ҳамда унинг ташқи дунё билан муносабатларини мустаҳкамлашда муносиб ва сезиларли ҳиссаларини қўшиб келмоқда. Шу билан бирга, ватандошлар билан алоқаларни ривожлантиришнинг аҳамияти ва долзарблиги ошаётган бир пайтда, улар билан самарали ҳамкорликни олиб бориш ва ислохотларни сифат жиҳатидан яхшилашда уларнинг салоҳиятини жалб қилиш борасида қуйидаги қатор муаммолар сақланиб қолмоқда:

давлат органлари ва ташкилотларнинг ватандошлар билан алоқаларни ўрнатишнинг самарадорлиги паст даражада ва қисман эканлиги;

иқтисодий, ижтимоий, инвестициявий, илмий-маърифий, маданий ва бошқа устувор лойиҳалар ҳамда дастурларни амалга оширишда ватандошларнинг салоҳиятидан оқилона фойдаланмаслиги;

ватандошларнинг ўзбек тили, маданияти ва анъаналарини оммалаштириш билан шуғулланидиган ташкилотларини қўллаб-қувватлаш борасида комплекс ва узоқ муддатли стратегиянинг мавжуд эмаслиги; хорижда таълим олаётган Ўзбекистон ёшлари билан ишлашга етарли даражада эътибор берилмаётганлиги, мамлакатга қайтганларидан кейин уларни иш билан таъминлаш тизимининг йўлга қўйилмаганлиги.

Ватандошлар билан ҳамкорлик қилишнинг узоқ муддатли ва мустаҳкам тизимини

яратиш ҳамда 2017 — 2021 йилларда Ўзбекистон Республикасини ривожлантиришнинг бешта устувор йўналиши бўйича Ҳаракатлар стратегиясида белгиланган вазифаларни изчил амалга ошириш мақсадида:

1. Ватандошлар билан ҳамкорлик соҳасида Ўзбекистон Республикаси давлат сиёсатининг асосий мақсадлари сифатида қуйидагилар белгилансин:

халқаро ҳуқуқнинг умумэтироф этилган принциплари, истиқомат қилинаётган давлатнинг қонунчилиги ҳамда Ўзбекистон Республикасининг халқаро шартномалари асосида хориждаги ватандошларнинг ҳуқуқ ва эркинликларини амалга оширишга кўмаклашиш;

ватандошларнинг Ўзбекистон маданий, илмий ва маънавий меросини кенг тарғиб қилишга, уни жаҳон миқёсида ўрганиш ва оммалаштиришга, истиқомат қилаётган давлатларида ўзбек тили, маданияти ва анъаналарини сақлаб қолиш ва ривожлантириш борасидаги фаолиятларини қўллаб-қувватлаш, уларнинг Ўзбекистонда таълим олиш имкониятларини кенгайтириш;

Ўзбекистон Республикасининг ижтимоий-иқтисодий ривожланишига ва унинг хорижий мамлакатлар билан ўзаро манфаатли, дўстона муносабатларини қуришга ўз ҳиссасини қўшмоқчи бўлган ватандошлар ҳамда улар тузган ташкилотлар билан алоқаларни ривожлантириш ва мустаҳкамлаш;

ватандошларнинг Ўзбекистон ҳудудида профессионал, шу жумладан, тадбиркорлик, инвестициявий, илмий, маърифий ва маданий фаолият билан шуғулланишлари учун қулай ҳуқуқий, ижтимоий ва иқтисодий шaroитларни яратиш;

ватандошларнинг салоҳиятини Ўзбекистонда олиб борилаётган кенг қўламли социал-иқтисодий ва ижтимоий-сиёсий ислохотларни қўллаб-қувватлашга, Ўзбекистон Республикасининг халқаро нуфузини янада мустаҳкамлашга жалб қилиш.

(Давоми 2-бетда).



Ўзбекистон Республикаси Президентининг Қ А Р О Р И

ЎЗБЕКИСТОН РЕСПУБЛИКАСИДА КИМЁ САНОАТИНИ ЖАДАЛ РИВОЖЛАНТИРИШ ЧОРА-ТАДБИРЛАРИ ТЎҒРИСИДА

Минерал ўғитларни сотишнинг бозор механизмларини жорий этиш, кимё саноати корхоналарининг қарздорликларини реструктуризация қилиш юзасидан қўрилган чоралар уларни молиявий соғломлаштиришга ва ишлаб чиқариш қувватларидан фойдаланиш даражасини оширишга имкон берди.

Шу билан бирга, кимё тармоғини янада ривожлантириш ва диверсификация қилиш, кимё маҳсулотлари ишлаб чиқаришнинг мавжуд қувватларини модернизация қилиш ва янгиларини қуриш учун инвестицияларни жалб қилиш ҳамда экспорт ҳажмини кенгайтиришга тўқинлик қилаётган тизимли муаммолар сақланиб қолмоқда.

Хусусан, инвестициявий жозибадорликнинг пастлиги ва тармоқни ривожлантириш учун ўз маблағларининг етарли эмаслиги хом ашё ресурсларини чуқур қайта ишлаш бўйича илгор технологияларни жорий қилиш имконини бермапти, бунинг оқибатида ишлаб чиқарилаётган маҳсулотда минерал ўғитлар улушининг юқорилиги сақланиб қолмоқда.

Кимё маҳсулотлари ишлаб чиқариш соҳасида жаҳон кимё саноати ривожланишининг тенденцияларини ва республиканинг муҳим хом ашё салоҳиятини ҳисобга олувчи фундаментал илмий база ва замонавий лойиҳа-инжиниринг ишланмалари мавжуд эмас.

Кимё тармоғини янада диверсификация қилиш, янги ишлаб чиқариш қувватларини яратиш ҳамда ички ва ташқи бозорларда талаб юқори бўлган маҳсулотлар номенклатурасини кенгайтириш учун тўғридан-тўғри инвестицияларни жалб қилиш, етакчи хорижий институтларни жалб қилган ҳолда замонавий илмий ва лойиҳа базасини яратиш, шунингдек, “Ўзкимёсаноат” АЖ корхоналарининг молиявий барқарорлигини ошириш мақсадида:

1. Республика кимё тармоғини янада ривожлантириш ва диверсификация қилишнинг асосий йўналишлари этиб қуйидагилар белгилансин:

углеводород хом ашёсини ва минерал ресурсларни чуқур қайта ишлаш асосида иқтисодиёт тармоқларида ва жаҳон бозорида талаб катта бўлган, юқори қўшилган қўйматли кимё маҳсулотлари номенклатурасини кенгайтириш;

республиканинг минерал ўғитларга бўлган талабини қондириш ва экспорт салоҳиятини мустаҳкамлашга қаратилган янги ишлаб чиқариш қувватларини ишга тушириш ва фаолият юритаётганларини модернизация қилиш;

кимё саноати корхоналарининг устав капиталида давлат иштирокини қисқартириш, тармоққа тўғридан-тўғри инвестицияларни жалб қилиш, тармоқ корхоналари ва тадбиркорлик субъектлари ўртасида кооперация алоқаларини ривожлантириш орқали базавий маҳсулотларни қайта ишлашни чуқурлаштириш;

фанни ва соҳавий илмий тадқиқотларни фаол ривожлантириш, шунингдек, биринчи навбатда, углеводород хом ашёси ва минерал ресурсларни чуқур қайта ишлашга қаратилган илгор илмий ишланмаларни ишлаб чиқаришга интеграция қилиш;

лойиҳа-инжиниринг ишлари ва диагностика тадқиқотлари сифатини ошириш, кимё ва кимё технологияларининг барча йўналишлари бўйича кадрларни тайёрлаш ва қайта тайёрлашнинг самарали тизимини ташкил этиш.

2. 2018 — 2030 йилларда кимё маҳсулотлари ишлаб чиқаришнинг **4,5 баробарга**, шу жумладан, минерал ўғитларини — **2 баробарга** (1,2 миллион тоннадан 2,4 миллион тоннагача), маҳсулотлар экспортини — **4 баробарга** ошириш, шунингдек, органик кимё маҳсулотлари улушини 7 фоиздан 54 фоизгача етказиш орқали тармоқни диверсификация қилишни назарда тутувчи “**Ўзкимёсаноат**” АЖ фаолиятида ишлаб чиқариш қувватларини кенгайтириш ва модернизация қилиш, базавий маҳсулотларни қайта ишлашни янада чуқурлаштириш, мавжуд активлардан оқилона фойдаланиш ва бошқаришнинг замонавий усулларини жорий қилишнинг асосий йўналишларини амалга ошириш бўйича “Йўл харитаси” 1-иловага мувофиқ тасдиқлансин, унга кўра:

а) қисқа муддатда (2018 — 2020 йилларда): “Аммофос-Максам” АЖда мавжуд ишлаб чиқариш қувватларини модернизация қилиш ҳисобига фосфорли ўғитлар ишлаб чиқариш ҳажмини 20,0 минг тоннага ошириш (100 фоиз соф ҳолда);

(Давоми 2-бетда).



ОЛИЙ МАЖЛИС ҚОНУНЧИЛИК ПАЛАТАСИДА



СУД ҲОКИМИЯТИ МУСТАҚИЛЛИГИНИ ТАЪМИНЛАШ — ПАРЛАМЕНТ ЭЪТИБОРИДА

Олий Мажлис Қонунчилик палатасида парламент ҳузуридаги Суд ҳокимияти мустақиллигини таъминлашга кўмаклашувчи комиссиянинг навбатдаги ййғилиши бўлиб ўтди.

Давлатимиз раҳбарининг Олий Мажлисга йўллаган Мурожаатномасида суд ҳокимиятининг чинакам мустақиллигини таъминлаш бўйича кенг қўламли ишлар бошлангани, уларни давом эттириш зарурлиги таъкидланиб, соҳадаги ислохотларни янада чуқурлаштириш мақсадида мазкур Комиссияни ташкил қилиш таклиф этилган эди.

Жорий йилнинг апрель ойида Ўзбекистон Республикаси Олий Мажлиси палаталари Кенгашининг қўшма қарори билан парламент ҳузурида Суд ҳокимияти мустақиллигини таъминлашга кўмаклашувчи комиссия тузилди. У депутатлар ва сенаторлардан иборат таркибда шакллантирилди. Суд ҳокимияти ва судьяларнинг мустақиллигини таъминлашга қаратилган қонун ҳужжатлари ижроси устидан тизимли мониторинг олиб бориш, мавжуд муаммоларни, соҳага оид қонун ҳужжатларини танқидий таҳлил қилиш, одил судловни амалга оширишга ҳамда суд ҳокимияти ва судьяларнинг мустақиллигига салбий таъсир кўрсатаётган омилларни аниқлаш, суд-ҳуқуқ соҳасидаги қонун ҳужжатларини такомиллаштириш масалалари юзасидан таклифлар ишлаб чиқиш ҳамда ривожланган хорижий мамлакатларнинг суд ҳокимияти ва судьялар мустақиллигини таъминлаш борасидаги тажрибасини ўрганиш мазкур Комиссиянинг асосий вазифалари этиб белгиланди.

Ййғилишда Комиссиянинг жорий йил учун тасдиқланган иш режасида белгиланган вазифалар ҳамда тадбирлар ижросини таъминлаш борасида қилинаётган ишлар кўриб чиқилди.



ФИДОЙИЛИК, МАРДЛИК ВА ЖАСОРАТНИНГ ЮКСАК ЭЪТИРОФИ

Пойтахтимизда Ички ишлар идоралари ходимлари куни муносабати билан байрам тадбири ўтказилди. Унда тизим ходимлари, фахрийлари, уларнинг оила аъзолари ҳамда давлат ва жамоат ташкилотлари, ОАВ вакиллари иштирок этди.



Ҳосен ПАЙДОЕВ олган сурат.

Анжуман

Юртимизда ҳукм сураётган тинчлик ва оқсоқиллик, бунёдкорлик, ҳамжихатлик, бағрикенглик ҳамда миллатлараро тотувлик

барча жабҳада эришаётган ютуқларимизда муҳим омил бўлиб хизмат қилаётгани алоҳида таъкидланди. Ана шундай муҳитни таъминлашда бошқа соҳалар вакиллари қатори ички ишлар идоралари ходимларининг ҳам салмоқли ҳиссаси бор. Улар

Ватан ободлиги, халқ фаровонлиги йўлида фидойилик билан хизмат қилмоқда, зарур бўлганда, ўз ҳаётини хавф остига қўйиб, мардлик ва жасорат намунасини кўрсатмоқда.



ҲАММА ИШНИ КОМБАЙН БАЖАРАДИ



“John Deere” корпорациясининг юқори самарали қишлоқ хўжалиги техникалари деҳқонлар ишини енгиллаштиради, ишлаб чиқариш рентабеллигини оширади, ҳосилни ййғиштириб олиш муддатларини қисқартиради.

Инновация

Мамлакатимизда аграр секторга инновацион технологияларни фаол жалб қилиш ва шу асосда қишлоқ хўжалиги маҳсулотларини ишлаб чиқариш ҳамда экспорт ҳажмини кескин ошириш мақсадида соҳада туб ислохотлар олиб боришмоқда. Мева-сабзавот етиштириш, пиллачилик, балиқчилик, асаларичилик сингари тармоқлар республиканинг

озиқ-овқат хавфсизлигини таъминлашда муҳим ҳисобланади. Ўз навбатида, ушбу тармоқлардан олиннадиган маҳсулотларни ташқи бозорга сотиш орқали юртимиз иқтисодий салоҳияти юксалаётир. Пахтачилик эса, албатта, аграр секторда етакчи ўрин тутшини алоҳида таъкидлаш жоиз.

Тан олиб айтиш керакки, пахтачиликда бир йиллик машаққатли меҳнат эвазига етиштирилган ҳосилни ййғиштириб олиш жараёнини тўғри

ташқил қилиш ҳаётий аҳамият касб этади. Хом ашё ва унинг асосида ишлаб чиқариладиган пахта толаси, мато, кўйингки, киядиган либосимизнинг сифати ҳам айнан шунга, очилган пахтини ўз вақтида териб олишга боғлиқ. Қишлоқ хўжалигини модернизация қилиш йўлидаги ислохотлар ушбу соҳага ҳам кириб келди ва бугунги кунда илк натижалари амалда намоён бўлмоқда.



БИЗ ва ЖАҲОН



Технологиялар — ижобий самаралар ва юксалиш учун имконият демек. Айни шу омил ресурслар чекланган ҳозирги даврда иқтисодий ривожланиш, тўқис ҳаёт учун зарур шароит яратишнинг муҳим шартига айланди.

ЎЗБЕКИСТОН — ҚОЗОФИСТОН:

РАҚАМЛИ ТЕХНОЛОГИЯЛАР ТАРАҚҚИЁТ ХИЗМАТИДА

Мамлакатимизда дастурий маҳсулотлар ишлаб чиқаришни рағбатлантиришга йўналтирилган фаолият ҳар томонлама қўллаб-қувватланаётгани Ўзбекистон ўз келажагини илгор технологик юксалиш орқали барпо этишда кўраётганига ёрқин мисол.

Тошкентдаги Инҳа университетида 25 октябрь куни бўлиб ўтган рақамли технологиялар соҳасидаги Ўзбекистон — Қозоғистон бизнес форуми шу мақсадларга хизмат қилиши билан муҳим аҳамиятга эга.

Тадбирда икки мамлакатнинг ахборот технологиялари ва телекоммуникациялар, савдо, иқтисодиёт, интеллектуал мулк, таълим, соғлиқни сақлаш, банк-молия каби соҳаларга иқтисослаштирилган вазирлик ҳамда идоралар, компания ва концернлар, илмий-тадқиқот марказлари вакиллари, дастурий таъминот ишлаб чиқарувчилари, етакчи экспертлар қатнашди.

Ўзбекистон Республикаси Бош вазирининг биринчи ўринбосари — “Ўзбекистон темир йўллари” АЖ бошқаруви раиси О. Раматов, Қозоғистон Республикаси Бош вазирининг ўринбосари А. Жумағалиев ва бошқа-



ҚИРҒИЗИСТОН МАДАНИЯТИ КУНЛАРИ БОШЛАНДИ

Юртимизда Қирғизистон Республикаси маданияти кунлари ўтказилмоқда. Шу муносабат билан қўшни республикадан 70 нафардан ортқ санъат ва маданият намояндалари, рассомлар, киношунослар, журналистлар таширф буюрди.

Мамлакатларимиз ўртасидаги ўзаро манфаатли ҳамкорлик алоқалари Ўзбекистон Республикаси ва Қирғизистон Республикаси ўртасида абадий дўстлик тўғрисидаги шартнома асосида изчил ривожланиб бормоқда.

Сўнгги икки йил давомида давлатларимиз раҳбарларининг сиёсий иродаси, кўплаб масалалар бўйича ҳамфикрлиги, ҳамкорликка интилишининг муштараклиги туфайли барча соҳада муносабатлар янги босқичга кўтарилди. Биргаликда савдо-иқтисодий, транспорт-коммуникация, банк-молия, фан-техника, энергетика тармоқларини тараққий эттириш билан бирга, маданият соҳасидаги алоқаларни янада чуқурлаштириш бўйича қатор келишувларга эришилди.

Икки республикада маданият кунларининг аънавий тарзда ўтказилиши халқларимиз ўртасида ўзаро дўстлик, ҳамжихатлик, маданий-маърифий муносабатларни янада мустаҳкамлашга хизмат қилляпти.



ҲАММА ИШНИ КОМБАЙН БАЖАРАДИ

1 ➔

Қишлоқ ҳўжалиги техникалари ишлаб чиқариш бўйича дунёда етакчи ўринда турувчи АҚШнинг машҳур "John Deere" корпорациясида ишлаб чиқарилаётган пахта териш комбайнларининг сўнгги авлоди — юқори самарадор "John Deere CP 690" комбайнлари Андижон, Наманган ва Хоразм вилоятларида келтирилиб, илк бор юртимиздаги йғим-терим мавсумига жалб қилинди. Мамлакат пахтачилик соҳаси учун мутлақо янги бўлган ва Президент ташаббуси билан 20 та туманда ташкил этилган пахта етиштириш кластерларидан бир нечасида ушбу замонавий машиналардан фойдаланилмоқда. Бу эса пахтанинг узлуксиз теримини ташкил этиш ва ҳосилни одатдигидан бир ҳафта эртaroқ ййғиб олиш имконини беради.

Таъкидлаш жоиз, бу лойиҳа Ўзбекистон Президенти Шавкат Мирзиёевнинг жорий йил 15 — 17 май кунлари АҚШга расмий ташифи доирасида бўлиб ўтган музокаралардаги муҳим келишувлар, қoлаверса, 2017 йил 20 сентябрь куни Нью-Йорк шаҳрида бўлиб ўтган ва АҚШнинг етакчи компаниялари билан тузилган 2,6 миллиард долларлик келишувлар натижасида рўйбга чиқарилмоқда. Ўзбекистон ва АҚШ ўртасидаги стратегик шериклигининг янги даврини бошлаб берган мазкур учрашувлар ва музокараларда нефть-газ, нефть-кимё, электротехника, фўқаро авиацияси, машинасозлик, аграр соҳаларда бир неча муҳим қўшма лойиҳаларни амалга ошириш белгилаб берилганди.

Улар орасида "John Deere" корпорацияси билан имзоланган йирик шартномалар соҳада сўнгги йилларда улкан ислохотлар бошланган республикаимиз учун муваффақиятли ва муҳим келишув сифатида баҳоланди. "John Deere CP 690" пахта териш комбайнлари ўз тоифасида дунёдаги энг кучли машиналар саналади. 13,5 литр сийгмга ва 560 от кучига эга бўлган турбосовиткичли двигатель тўртгала гилдиракини бир вақтда ишлатиш ва бошқа комбайнлар эриша олмайдиган 7 км/соат тезликда исталган шaroитда ҳаракатланишни таъминлайди.

Андижон вилоятидаги "Khanter Group" МЧЖ мутахассислари кластер таркибидаги "Куёшли ўлка" фермер ҳўжалиги далаларида ушбу бакуват машинани синовдан ўтказдилар.

— Бир неча хорижий мамлакатлардаги ишлаб чиқарувчилар билан ҳамкорлик алоқаларини ўрнатдик, — дейди "Khanter Group" МЧЖ таъсисчиси Зокиржон Набижонов. — Германия, Бельгия, Швециядан илғор ййғирув ва тикув ускуналари, АҚШдан қишлоқ ҳўжалиги техникасини сотиб олдик. Шу кунларда кластер таркибида ип ййғи-

рув фабрикасини ишга туширмоқчимиз, кейин эса тўкув цехи фаолият бошлайди.

2019 йилнинг биринчи чорағида бўёқ фабрикаси, иккинчи чорақда эса тикув фабрикасини фойдаланишга топшириш режалаштирилмоқда. Шу тариқа, Президентимиз томонидан илгари сурилган гоё — пахта хом ашёсини чуқур қайта ишлаш жараёнини тўла қамраб олувчи кластер амалда рўйбга чиқади. Ушбу юқори технологик машиналардан фойдаланиш "Khanter Group", "Uztex" сингари республикада янги ташкил қилинган замонавий кластерларга иш ҳажми ва ёқилғи сарфини тежаш имко-

ди. Машинанинг барча қулайлиги муҳайё қилинган кабинасида "ClimaTrak" ҳароратни бошқариш автоматик тизимидан тортиб бутун жараёни кузатиш ва бошқаришни таъминловчи "Command Center" дисплейига мавжуд. Оператор ушбу ускуна ёрдамида машина тезлиги, ҳолати, функциялари, қадоклаш жараёнини мувофиқлаштириб боради. Терим қурилмаси баландлигини электрон равишда бошқариш орқали эса ҳатто энг пастда очилган чанокдаги пахталарни ҳам ййғиштириб олиш мумкин.

Комбайннинг яна бир инновацион жиҳати ҳақида тўхталмай илож йўқ. Бу



нини бергани ҳисоб-китобларда тасдиқланмоқда. Терилаётган пахтанинг думалоқ шаклда гарамланиши эса вақтдан ютиш билан бирга, бебаҳо хом ашёнинг далада ҳам, сақлаш омборларида ҳам тўқилмаслигини таъминлайди. Хом ашё нест-нобуд бўлишининг олди олинади. Бу инновацион ечим пахтани қайта ишлаш жараёнида тозаловчилар жамоасига ҳам эҳтиёж қолдирмайди.

Беш рулон плёнкани сиғдира оладиган комбайннинг гарамлаш блоки терим давомида 120 тағача бунтни, юқорида таърифлангандек, думалоқ шаклда қадоклаш қувватига эга. Уларни тўллаш, юк машиналарига ортиш ва тушириш, омборларга жойлаш учун махсус мосламалар ҳам компания томонидан етказиб берилди.

"John Deere CP 690" пахта терим комбайнининг яна бир ўзига хос жиҳати унда ишловчи механизатор учун яратилган шaroитларда намоён бўла-

"John Deere" машиналарининг сўнгги моделларида ўрнатиллаётган кузатиш тизими бўлиб, иккита камера ёрдамида узлуксиз равишда дисплейга узатилаётган тасвирлар операторга терим ҳолатини тўлақонли назорат қилиш имконини беради. Машинанинг дастурий таъминоти операторга даладаги ҳосил микдори, ҳосилдорлик ҳаритасини акс эттиради. Бу эса аниқ мониторинг асосида тўғри қарорлар қабул қилинишини таъминлайди.

Дарвоқе, қадокланган гарамлар автоматик равишда рақамланади ҳамда дисплей хотирасида қайд қилиб борилади. "John Deere" корпорацияси мутахассисларининг билдиришича, уларни омборларга, ҳатто пахтани қайта ишлаш заводида етиб борунигача ҳам кузатиб туриш мумкин.

МАХСУЛОТ СЕРТИФИКАТЛАНГАН.

Энг муҳими, "John Deere" комбайнлари Ўзбекистон пахта саноати учун янгилик бўлган кластер тизимидаги бирламчи босқич — пахта ҳосилини ййғиб олиш жараёнига инновацион технологияларни олиб кириш, шу асосда пахтакорларимизнинг бир йиллик машаққатли меҳнати натижаси бўлган "оқ олтин"нинг олий сифатини сақлаган ҳолда қайта ишлаш манзилларида етказишда фермернинг беминнат ёрдамчисига айланади.

Муҳаммадали УМАРОВ тайёрлади.

«Ўзтрансгаз» АЖнинг «Фарғонагаз» филиали

тижорат таклифларини қабул қилади

«Фарғонагаз» филиалининг Учкўприк ва Кува туманларида жойлашган газ тўлдириш шохобчаларидаги мавжуд суюлтирилган газ сиғимларини «Гидравлик синов»дан ўтказиш бўйича танлов эълон қилинади. Юқоридаги фаолият тури билан шуғулланувчи, махсус лицензия ва гувоҳномага эга бўлган ҳўжалик юритувчи субъектлар ўз тижорат таклифлари билан мурожаат қилиши мумкин.

Манзил: Фарғона шаҳри, Бурҳониддин Маргиноний кўчаси, 76-уй. Телефон: 73-229-04-36.

«Фарғонагаз» филиали маъмурияти.



ООО «Butlash Garant Servis»

предлагает бетономешалки российского производства

1. Бетономеситель гравитационный MC-200

Технические характеристики:
MC-200, геометрический объем барабана — 200 л, время перемешивания — 120 секунд, объем готовой смеси — 110 л, объем загрузки — 150 л, номинальная мощность — 1 кВт, напряжение питания — 220 В/50 Гц, вес — 66 кг.

2. Бетономеситель гравитационный СБР-500А.1

Технические характеристики:
СБР-500А.1, геометрический объем барабана — 500 л, время перемешивания — 90 секунд, объем готовой смеси — 270 л, номинальная мощность — 1,5 кВт, напряжение питания — 380 В/50 Гц, вес — 270 кг.

Форма оплаты — перечисление.

ООО «Butlash Garant Servis» реализует бетономешалки российского производства со склада в Ташкенте.

Адрес: г. Ташкент, Сергелийский р-н, ул. Олтин водий, 29А. Телефоны: 97 760-86-00, 90 370-86-86.

Бош муҳаррир Ўткир РАҲМАТОВ

2008 йил 15 январда Ўзбекистон Матбуот ва ахборот агентлигида 0001-рақам билан рўйхатга олинган. Нашр индекси — 229. Буюртма Г — 1045. 73 063 нусхада босилди, ҳажми — 2 табоқ, Офсет усулида босилган. Қoғoз бичими А—2. Баҳоси келишилган нархда.

Газетамиз ҳақидаги маълумотларни юқлаб олиш учун QR-коднинг телефонингиз орқали сканер қилинг:



ТЕЛЕФОНЛАР:
Девонхона 71-233-52-55;
Котибият 71-233-10-28; Ўзлонлар 71-232-11-15.

ЎЗБЕКИСТОН РЕСПУБЛИКАСИ БАНК-МОЛИЯ АКАДЕМИЯСИ

ҚУЙИДАГИ ПРОФЕССОР-ЎҚИТУВЧИ ЛАВОЗИМЛАРИ УЧУН ТАНЛОВ ЭЪЛОН ҚИЛАДИ:

Банк иши кафедраси: доцент, кафедра катта ўқитувчиси;
Молия кафедраси: кафедра мудири;
Инвестициялар кафедраси: доцент;
Бухгалтерия ҳисоби, таҳлил ва аудит кафедраси: профессор;
Чет тиллари кафедраси: катта ўқитувчи.

Барча профессор-ўқитувчи лавозимларига (кафедра мудири, профессор, доцент, катта ўқитувчи) номзодларни танлашда дунёнинг етакчи хорижий университетлари ва илмий марказларида таҳсил олган (стажировка ўтаган ёки малака оширган) ҳамда илғор хорижий таълим стандартлари ва технологияларини пухта эгаллаган, замонавий ахборот-коммуникация технологиялари ҳамда инглиз тилидан педагогик ва илмий тадқиқот фаолиятида эркин, амалий фойдаланиш имкониятига эга бўлган, ўз мутахассислиги фанининг замонавий илмий-назарий, методологик ҳамда амалий муаммолари ва ривожланиш тенденцияларини чуқур ўзлаштирган шахсларга алоҳида эътибор қаратилади.

Кафедра мудири лавозимини эгаллаш учун танловда профессор ёки доцент илмий унвонига, фан номзоди, фалсафа доктори (PhD), фан доктори ёки фан доктори (DSc) илмий даражасига, шунингдек, хорижий мамлакатларнинг тегишли мутахассислик бўйича уларга тенглаштирилган бошқа илмий даражаларига эга бўлган шахс иштирок этиши мумкин.

Профессор лавозимини эгаллаш учун танловда профессор илмий унвонига ёки фан доктори (DSc) илмий даражасига, шунингдек, тегишли мутахассислик бўйича хорижий мамлакатларнинг унга тенглаштирилган бошқа илмий даражаларига эга бўлган шахс қатнашиши мумкин.

Доцент лавозимини эгаллаш учун танловда доцент илмий унвонига, катта илмий ходим ёки фан номзоди, фалсафа доктори (PhD), фан доктори ёки фан доктори (DSc) илмий даражасига, шунингдек, хорижий мамлакатларнинг тегишли мутахассислик бўйича уларга тенглаштирилган бошқа илмий даражаларига эга бўлган шахс иштирок этиши мумкин.

Катта ўқитувчи лавозимини эгаллаш учун танловда олий маълумотга эга бўлган шахс (магистр, дипломли мутахассис), шунингдек, илмий даража (шу жумладан, фан номзоди, тегишли мутахассислик бўйича хорижий мамлакатларнинг фалсафа доктори (PhD) даражасига ёки унга тенглаштирилган бошқа илмий даражаларга) ва илмий унвонга эга бўлган ҳамда бундай даража ва унвонга эга бўлмаган, бироқ ўқитувчилик, илмий тадқиқот ҳамда ишлаб чиқариш ишлари тажрибасига эга бўлган шахслар ҳам қатнашиши мумкин.

Танловда иштирок этишни хоҳловчилар қуйидаги ҳужжатларни топширадилар:

1. Ректор номига ариза;
2. Кадрларни ҳисобга олиш бўйича шахсий варақа;
3. Дипломлар ва аттестатлар нусхалари;
4. Илмий ишлар ва ихтиролар рўйхати;
5. Малака оширганлик тўғрисидаги гувоҳномалар.

Аризалар эълон чиққан кундан бошлаб бир ой муддатда қабул қилинади.

Манзил: Тошкент ш., Мовароуннахр кўчаси, 16-уй.
Маълумот учун телефонлар: 71-237-54-53, 71-237-53-61, 71-237-54-09.



«AMKODOR-TASHKENT» МЧЖ ХК

«АМКОДОР», «САЛЕО», «АМКОДОР-СЕМАШ» холдингларининг Ўзбекистон Республикасидаги расмий дистрибьютори

олд томонга йўналтирилган ва универсал юклагичлар

МТЗ базасидаги юклагичли экскаваторлар

занжирли ва гилдиракли юришдаги экскаваторлар

санчкили юклагичлар



Европа сифатидаги техника ва жиҳозлар Ўзбекистонда

ғаллани тозалаш ва сақлаш учун мажмуалар

гидравлика



Маҳсулот сертификатланган.

Тел./факс: 71-283-42-18, тел.: 71-283-42-17. Моб.: 90-974-00-61, 90-974-00-81.

Ўзбекистон Республикаси, 100005, Тошкент шаҳри, 8 Март кўчаси, 57-уй. E-mail: amkodortashkent@mail.ru, www.amkodor.uz, www.amkodor.by

КОРХОНАЛАР ВА ТАШКИЛОТЛАР РАҲБАРЛАРИ ДИҚҚАТИГА!

«Халқ сўзи» газетасининг 2018 йил 23 октябрдаги 219-сонидан чоп этилган «Қишлоқ қурилиш банк» АТБ эълонидаги 4-хатбоши қуйидаги тахрирда ўқилсин: «Танловда харид қилинаётган қурилмаларни ишлаб чиқариш ва/ёки етказиб бериш ҳуқуқига эга бўлган маҳаллий фирмалар ва ташкилотлар иштирок этишлари мумкин».

Хизматлар лицензияланган.



«ELXOLDING»



ЮК ТАШУВЧИ МОТОЦИКЛЛАР

ТўЛОВ ШАКЛИ — ТУРЛИЧА ВА КРЕДИТГА.

Тел.: 93-330-50-00, 71-239-12-54.

Манзил: Самарқанд ш., Гагарин к., 36-уй. Мўлжал — «КИНАП» заводи.



Халқ сўзи Народное слово

МУАССИСЛАР:

Ўзбекистон Республикаси Олий Мажлиси Қонунчилик палатаси Кенгаши, Ўзбекистон Республикаси Олий Мажлиси Сенати Кенгаши ва Ўзбекистон Республикаси Вазирлар Маҳкамаси

Тахриратга келган қўлаёмалар тақриз қилинмайди ва муаллифга қайтарилмайди.

Газетанинг сўзаси берилиши учун обунани расмийлаштирилган ташкилот жаобгар.

Газета тахрират компьютер марказида терилди ҳамда оператор М. Бегмуратов томонидан саҳифаланди.

Газетанинг полиграфик жиҳатдан сифатли чоп этилишига «Шарқ» нашриёт-матбаа акциядорлик компанияси масъул. Босмахона телефони: 71-233-11-07.

• **МАНЗИЛИМИЗ:**
100000,
Тошкент шаҳри,
Матбуотчилар кўчаси, 32-уй.
Набатчи муҳаррир — О. Файзиев.
Набатчи — Д. Содиқов.
Мусахҳих — Ш. Машраббоев.

«Шарқ» нашриёт-матбаа акциядорлик компанияси босмахонаси. Корхона манзили: «Буюк Турон» кўчаси, 41. Ўза жуни — 23.10 Топширилди — 00.10 1 2 3 4 5 6